

## ■ PRO SVIZRA RUMANTSCHA

# Puspè in champ da vacanzas a Tujetsch

**(anr) La Pro Svizra Rumantscha (PSR) – che sa dat fadia da stgaffir contacts tant en la Rumantschia sco da far punts anovers – arranscha puspè, sco dapi 2012, in champ da vacanzas a Sedrun.** Quel ha lieu dals 20 fin ils 25 da fanadur 2014. Era quest onn pon uffants da tut las regiuns ir a lavar aur e tschertgar cristallas sisum la Surselva. Er da la partida è puspè il musicist indigen *Pascal Gamboni*, fer tant che *Prisca Berther* e *Sandro Cavegn* vegnan ad instruir ed accompagnar ils uffants. Alloschi han ins en la Tgesa Strem.

L'onn passà èsi stà radund 30 uffants en il champ. Ils blers eran indigenes, mo i veva era tals da l'Engiadina e si da la Bassa. Ils participants han giudì ina bella emna cun activitads differentas en la cuntrada a la tgina dal Rain. Els èn vegnids introducids en ils misteris che han

da far cun l'aur e cun las cristallas. A la fin pon els puspè mussar en ina pitschna exposiziun las lavurs e chats a lur confamigliars ed enconuschents.

Dapi l'onn passà stat la PSR sut il presidi da *Catarina Morscher*, Alp Flex, Sur. Ella è successura dad *Arno Berther*, Sedrun, che ha timunà 12 onns la PSR. Vegnids elegids èn era trais novs suprastants. Quai saja stà motiv avunda per la suprastanza da passentar in di da concentrasiun a Malans en il Signuradi. Igl è là per rimnar ideas da projects che la PSR pudess realisar ils proxims onns. Quest onn vegn la pagina d'internet da la PSR renovada ed il logo refrestgentà.

**La radunanza da la PSR da quest onn ha lieu ils 4 d'avrigl a Cuira.**